

佛本行集經

第四十二

三百  
基二

49747



王脩  
昌  
轉

佛本行集經卷第四十二

隋天竺三藏法師闍那崛多譯

迦葉三兄弟品下



爾時世尊食訖還至彼林經行是時優婁頻  
螺迦葉過彼夜後往至佛所到已白佛大德  
沙門若知時者飯食已辦佛告迦葉汝於先  
去我隨後來爾時世尊於先發遣迦葉去後  
即往到彼三十三天到彼天已取得一華其  
華名波梨闍多迦隋言彼岸生彼取已於先來火神  
堂迦葉後來見佛已坐即白佛言大德沙門  
從何道來在於我前到火神堂  
佛告迦葉我先遣汝後至忉利天宮將此波



梨闍華來此神堂然此波梨闍多迦華顏色  
可愛香氣甚好汝意若樂可取此華嗅其香  
氣迦葉白佛大德沙門此華香氣微妙精好  
沙門自持我不合嗅是時迦葉作如是念此  
大沙門大有威力大有神通乃能於先發遣  
我已後到天上取彼波梨闍多迦華於先來  
坐火神堂內雖然猶不得阿羅漢身心寂靜  
如我今也

尔時迦葉居處螺髻諸梵志等欲破於柴而  
不能得若倚立者不能屈身若佞腰時不能  
正直若斧著柴拔不能出尔時彼等螺髻梵  
志作如是念此之神通必當是彼大沙門作

無有疑也乃令我等今日不能破此柴薪極甚勞苦

尔時世尊告彼優婁頻螺迦葉一切等言螺髻迦葉汝等今欲破於薪也迦葉白佛大德沙門實欲破薪而不能得是時佛作如是語已彼等梵志即得自恣破其薪柴是時優婁頻螺迦葉作如是念此大沙門大有威力大有神通雖然猶不得阿羅漢如我今也

尔時世尊食訖還向彼林經行是時優婁頻螺迦葉所居住處欲燃火燭而不能著是時彼等螺髻梵志作如是念此之神通必是彼大沙門所作無有疑也而令我等如是辛苦

火不能燃

尔時世尊告彼優婁頻螺迦葉一切等言迦  
葉汝等欲燃火耶是時彼等迦葉報言大德  
沙門我欲燃火時佛問已彼火即燃五百火  
聚是時優婁頻螺迦葉作如是念此大沙門  
大有威力大有神通乃能令彼可燃之火不  
聽其燃若欲令燃方始即燃雖尔猶不得阿  
羅漢如我今也

尔時世尊食訖還向彼林經行尔時彼等螺  
髻梵志欲滅於火而不能得尔時彼等螺髻  
梵志作如是念此是沙門神通之力而令我  
等火炎欲滅不能得滅

尔時世尊告迦葉言迦葉汝等今欲滅於此  
火炎也迦葉白佛大德沙門我今欲得滅此  
火炎而不能得時佛問已即得滅於五百火  
炎尔時迦葉作如是念此大沙門大有威力  
大有神通其力乃能滅火即滅欲燃即燃雖  
尔猶不得阿羅漢如我今也

尔時世尊食訖已後還至彼林經行而住是  
時彼等螺髻梵志至極寒冬天正夜半或至  
後夜嚴酷凍冷多有風雪入於尼連禪河水  
中或沒或出如是澡浴

尔時世尊以神通力化作五百赤炭火聚在  
彼岸邊是時彼等螺髻梵志寒噤出水住在

岸邊各各向火是時彼等螺髻梵志心如是  
念此必定是彼大沙門作是神變忽然有此  
五百火鑪而無烟炎使於我等從冷水出向  
火炙煖是時優婁頻螺迦葉作如是念此大  
沙門大有威力大有神通乃能化作五百鑪  
火無有烟炎令我螺髻五百弟子從冷水出  
向火煖坐雖然猶不得阿羅漢如我今也  
尔時世尊食訖已後還至彼林經行而住是  
時彼等螺髻梵志欲取於水各手持瓶或將  
軍持欲用取水而不能捉是時彼等螺髻梵  
志作如是念此必是彼大沙門作而令我等  
不能取瓶及以軍持



尔時世尊告彼優婁頻螺迦葉并及五百螺  
髻梵志一切等言迦葉汝等各欲將瓶及軍  
持等欲取水乎迦葉白言善哉沙門此等五  
百螺髻梵志將瓶軍持欲取於水時佛問已  
而其五百螺髻梵志皆能將瓶及軍持等得  
取於水

尔時優婁頻螺迦葉作如是念希有希有此  
大沙門大有威力大有神通乃能令此五百  
螺髻諸梵志等許其取水乃能得水不許不  
得雖然猶不得阿羅漢如我今也

尔時世尊食訖已後還至彼林經行而住是  
時優婁頻螺迦葉其於已前祭祀火時恒常

坐七多羅樹上於後祭祀還欲上七多羅樹上而不能上

余時優婁頻螺迦葉作如是念決定是彼大沙門作神通無疑令我不能上此多羅樹上祭火是時迦葉作如是念此大沙門大有威力大有神通乃能如是不許我等上於樹者則不能上雖然猶不得阿羅漢如我今也余時世尊食訖已後還至彼林經行而住是時優婁頻螺迦葉上七多羅樹上祭祀上已不能安隱而住余時優婁頻螺迦葉作如是念決定是彼大沙門作神通無疑令我上此七多羅樹舊住處坐不能得住復更欲上而

白佛言善哉沙門願聽我等依舊住此七多羅樹祭祀於火時佛語已其迦葉等即得依舊安住彼七多羅樹上

尔時優婁頻螺迦葉作如是念此大沙門大有威力大有神通乃能許我住則得住不許不得雖然猶不得阿羅漢如我今也

尔時世尊食訖已後還至彼林經行而住是時優婁頻螺迦葉祭祀火訖欲覆藏置即不能覆是時優婁頻螺迦葉作如是念決定是彼沙門瞿曇作此神通令我等輩不得覆火是時迦葉即白佛言善哉沙門願令我等得覆此火作是語已即得覆火

尔時迦葉作如是念此大沙門大有威力大有神通乃能如是許覆得覆不許不得雖然猶不得阿羅漢如我今也

尔時世尊食訖還至彼舊林中經行而住是時迦葉祭祀火時火及木頭東西馳走不能一住是時迦葉作如是念決定是彼沙門瞿曇作是神通令我祭祀火之器具東西馳走狀若人駘不能定住即白佛言善哉沙門願令我此祭祀火具得一定住

尔時佛告彼迦葉言如汝等意其祭火具即得安定因此緣故其迦葉等作如是念此大沙門大有威力大有神通乃能許我祭祀火

器任則得任不許不住雖然猶不得阿羅漢  
如我今也

尔時世尊食訖已後還至彼林經行而住是  
時彼處忽尔非時其虛空中起大黑雲降大  
暴雨佛所居處無有雨水

尔時世尊作如是念我今可令此水遍布而  
於水內復見乾地今有塵起現經行處於彼  
往來作是念已即現如前乾地塵至來去經行  
尔時迦葉作如是念今既非時虛空之中云  
何忽尔非時起雲而降大雨此大沙門所住  
之處亦一種有大水弥滿此之沙門或可爲  
水之所沒溺或令不見作是念已多將螺髻

諸梵志等坐於船中處處求覓漸至佛所到  
佛所已如是而住

尔時迦葉既見世尊兩邊有水唯獨中間現  
於乾地塵土全起來去經行見已白佛大德  
沙門今住在此大水中乎佛言住此作是語  
已飛騰虛空即便往詣迦葉船上

尔時迦葉因此緣故作如是念此大沙門大  
有神通大有威力乃能在水作是道行雖然  
猶不得阿羅漢如我今也

摩訶僧祇作如是說如來為彼優婁頻螺迦  
葉等輩示現如是五百神通而彼優婁頻螺  
迦葉等於一切時作如是念此大沙門大有

威力大有神通雖復變現德術如此而其唯  
不得阿羅漢如我今也

尔時世尊作如是念此之癡人於無量時有  
如是念此大沙門有大威力有大神通雖然  
而不得阿羅漢如我今也而我今可爲此迦  
葉及諸弟子令開慧眼發厭離心

尔時世尊告彼優婁頻螺迦葉作如是言迦  
葉汝今非阿羅漢亦復未入阿羅漢道而汝  
實無阿羅漢相況復得於阿羅漢果因於此  
言時其優婁頻螺迦葉心生羞慚身毛卓豎  
頂礼佛足而白佛言善哉世尊與我出家受  
具足戒

尔時世尊告彼優婁頻螺迦葉作如是言汝  
大迦葉此諸五百螺髻梵志依汝住止順汝  
法行汝可共其平量好惡告語令知如於彼  
等意情所樂作如是事

尔時優婁頻螺迦葉聞佛語已即便往詣五  
百螺髻梵志之邊到已告言汝等梵志摩那  
婆輩從我受此居處住止及奉火神所安堂  
室及祭祀器各隨汝等意樂而用我今欲向  
大沙門邊當行梵行

尔時彼等五百弟子螺髻梵志共白優婁頻  
螺迦葉作如是言和尚自從見彼瞿曇大沙  
門來我等多時意樂欲往大沙門邊行於梵



行而爲敬惜和尚心故口不發言和尚今者  
若欲於彼大沙門邊行梵行者我等亦當隨  
從而往依彼教法

尔時優婁頻螺迦葉及諸弟子往詣佛所到  
佛所已却住一面尔時佛告迦葉等言汝等  
梵志可棄於汝鹿皮之衣及軍持杖衆雜頭  
髮令諸螺髻祭祀火神諸器皿等種種調度  
向彼足連禪河水中而皆擲却是時彼等即  
白佛言一如大德沙門教誨我等不違

時諸梵志即將所著鹿皮之衣乃至種種器  
皿調度向彼河岸悉擲水中彼等諸物擲水  
中已作種種聲或唧唧聲而逐水流彼等螺

慧見於如是諸異事已心中復更增益歡喜  
頂禮佛足而白佛言唯願世尊與我等輩出  
家受戒

余時佛告彼等梵志作如是言汝等比丘來  
入於我所說法中行於梵行盡諸苦故是時  
彼等五百長老應聲出家即成具足于時那  
提螺髻迦葉在尼連禪河水下流岸邊修道  
見於彼等鹿皮之衣及祭火神器皿調度隨  
水泐流見已嗇然心生恐怖而發此言咄咄  
異事我兄或能為賊所破不者居處被他煞  
也我今可往至彼觀察是何災禍變恠所致  
忽然若斯

尔時其弟那提迦葉作是念已先遣多人螺  
髻梵志詣彼逆看好惡當告汝等檢校彼有  
何恠其事云何弟子奉教往彼看已迴還報  
言並各平安事瞿曇氏那提迦葉然後自將  
三百弟子左右圍遶往於長老優婁頻螺迦  
葉住處到已即見優婁頻螺迦葉師徒剃除  
鬚髮著袈裟衣見已內心不大歡喜向兄迦  
葉而說偈言

仁者虛祭祀火神

徒復空修於苦行

今日既捨此苦行

猶如蚍脫於故皮

尔時那提螺髻迦葉即白長老優婁頻螺迦  
葉兄言此能勝也是時長老優婁頻螺迦葉

報言此實勝也。寧爲此行。此行最妙。  
尔時那提螺髻迦葉告其三百螺髻梵志諸  
弟子言。汝等螺髻摩那婆輩。我彼居處及泉  
池等。并諸調度。汝意自知。作何處分。我今欲  
在大沙門邊當修梵行。

尔時彼等三百螺髻梵志弟子白師。那提螺  
髻迦葉作如是言。和尚。今若欲往於彼大沙  
門邊修梵行者。我等亦當隨逐。和尚同詣彼  
邊。共修梵行。尔時那提螺髻迦葉及諸弟子  
往詣佛所。到佛所已。却住一面。  
尔時佛告彼等梵志。作如是言。汝等今者能  
將身上所著鹿皮及祭祀火器。皿調度。擲置

且連禪河水中棄去以不被等梵志同白佛  
言如沙門教我不敢違而彼等將如前調度  
即擲水中作唧唧聲逐水而去尔時彼諸螺  
髻梵志見如是等希有之事復增歡喜乃至  
彼等長老比丘應時出家即成具戒

尔時伽耶螺髻迦葉在河下流忽見鹿皮及  
祭祀火器皿調度隨水流下見已心復生大  
恐怖而發是言咄咄異事我兄或能被賊所  
破其居坐處不被煞也我今可往至彼觀察  
爲何灾禍作是念已先遣多人螺髻梵志往  
彼逆看好惡當告汝等檢校彼有何恠其事  
云何弟子還報如前所答

尔時伽耶螺髻迦葉然後自將二百弟子左  
右圍遶往於長老優婁頻螺并及那提二迦  
葉邊到已即見二迦葉身剃除鬚髮著袈裟  
衣見已內心不大歡喜向於二兄優婁那提  
兩迦葉邊而說偈言

兄等昔空祭火神

亦復徒修於苦行

今日既共捨此等

猶如蚰脫彼故皮

尔時優婁頻螺迦葉并及長老那提迦葉還  
共以偈報弟伽耶螺髻梵志作如是言

我等昔空祭火神

我等亦徒修苦行

我等今得捨此法

實如蚰脫彼故皮

尔時伽耶螺髻迦葉復問優婁頻螺迦葉并

及那提迦葉等言兄今此處實能勝也是時  
長老二迦葉言此處實勝寧爲此行此行最妙  
尔時伽耶螺髻迦葉告其二百螺髻梵志諸  
弟子言汝等梵志摩那婆輩我彼居處所有  
泉池并諸調度汝意自知作何處分我今欲  
在大沙門邊修學梵行

尔時彼等二百螺髻梵志弟子白師伽耶螺  
髻迦葉作如是言和尚今若欲往於彼大沙  
門邊行梵行者我等亦當隨逐和尚一時同  
諸大沙門邊共修梵行是時伽耶螺髻迦葉  
及其弟子往詣佛所到佛所已却住一面而  
白佛言大德沙門我今及諸弟子欲入沙門

法中是事一切當如是持

尔時世尊即告彼等螺髻梵志作如是言汝等若能然是事者當取汝等鹿皮之衣及祭祀火器皿調度悉棄擲著尸連河中彼等報言如沙門教我不敢違是時彼等螺髻梵志即持鹿皮及諸調度祭祀火物悉擲河中擲河中已其諸皮衣軍持瓶灌出種種聲唧唧唱响隨流而下

尔時彼諸螺髻梵志見如是等希有之事復增歡喜而白佛言善哉世尊與我出家及具足戒佛即告言汝等比丘來入於我自說法中修行梵行盡於諸苦是時彼等諸長老輩



應聲出家即成具戒

今時世尊在彼優婁頻螺迦葉聚落之內隨  
多少時意樂住已漸漸行向伽耶城邊如來  
在彼象頭山頂將是一千比丘徒衆停住即  
以三種神通教化彼等所謂身通口通意通  
而調習之

今時世尊欲顯身通所謂一身作於多身多  
身還復作於一身上沒下現下沒上現東沒  
西現西沒東現南沒北現北沒南現山崖石  
壁能過無礙入地如水履水如地從地跏趺  
昇陟虛空猶如飛鳥身出烟炎如大火聚滅  
火現水消水放火此之日月如是威德而能

以手摩捫捉持乃至梵天自在行動此是如  
來現身神通

現口通者汝等比丘今應當知如是分別應  
當如是莫生分別應當如是觀察思惟應當  
如是莫思惟觀汝等比丘應如是證莫如是  
證汝等比丘應如是行莫如是行此是如來  
現口神通

現意通者汝等比丘今應當知此一切法藏皆  
悉熾然言熾然者眼亦熾然色亦熾然眼識  
熾然眼觸熾然眼觸所因生者有受若樂若  
苦非樂非苦彼亦熾然以何熾然以欲火故  
煩惱熾然以瞋恚火煩惱熾然以愚癡火煩

惱熾然我如是說眼過如是

其耳熾然聲響熾然略說乃至鼻香熾然舌  
味熾然身觸熾然意法熾然因於意觸所生  
受者若苦苦若樂非苦非樂彼亦熾然以何熾  
然以欲火故煩惱熾然以瞋恚火煩惱熾然  
以愚癡火煩惱熾然我如是說耳鼻舌身根  
塵過患

復次若有多聞之人能作如是深觀察者彼  
能厭眼厭離眼識厭離眼觸若因眼觸所生  
受者若苦苦若樂非苦非樂是中亦能如是厭  
離是厭離眼

又復如是厭離於耳厭離於聲乃至略說厭

離鼻香馱離舌味馱離身觸馱離意法若因  
意觸所生受者若樂若苦非樂非苦彼亦馱  
離既馱離訖即不染著既不染著即得解脫  
既得解脫即有如是內淨智現自知我今生  
死已斷梵行已立所作已辦不受後有此是  
如來意作神通

尔時世尊作如是說三種神通教示之時彼  
諸一千比丘徒衆無爲漏盡於諸法中心得  
解脫而有偈說

已斷生死諸欲流

已得梵行自利益

所作悉已皆成辦

更不受於後有生

尔時彼諸一千比丘聞佛世尊如是說已於

諸漏中無復有爲即得內心善好解脫捨梵  
志法名聲聞僧

佛本行集經優波斯那品第四十五

尔時彼三迦葉兄弟有一外甥螺髻梵志其

梵志名優波斯那

隋言最上征將

住在一山其所住

山名阿脩羅恒共二百五十螺髻梵志弟子

修學仙道彼聞其舅迦葉三人及諸弟子往

詣於彼大沙門邊悉皆出家剃除鬚髮聞已

心驚大不歡喜而口發言希有舅等於若干

年祭祀火神今日忽已入沙門中爲作弟子

我今當往彼處訶責何故作是不善事也彼

口中啞唧唧之聲而往詣彼三阿舅邊到已

遙見其三阿舅剃除鬚髮著袈裟衣見已向  
舅而說偈言

舅等虛祀火百年

亦復空修彼苦行

今日同捨於此法

猶如馳脫於故皮

尔時彼舅迦葉三人同共以偈報其外甥優  
波斯那作如是言

我等昔空祀火神

亦復徒修於苦行

我等今日捨此法

實如蚍脫彼故皮

尔時兵將螺髻梵志聞說偈已復反問彼三

阿舅言此能勝也是時彼三阿舅報言此實

勝也寧爲此行此行最妙尔時兵將螺髻梵

志告其二百五十螺髻梵志弟子作如是言

汝等梵志摩那婆輩我彼居處所有泉池并  
諸調度汝意自知作何處分我今欲在大沙  
門邊修行梵行

尔時彼等二百五十螺髻梵志即便共白優  
波斯那螺髻梵志作如是言和尚今若欲往  
於彼大沙門邊修行梵行者我等亦當隨逐和  
尚同詣彼邊共修淨行尔時兵將螺髻梵志  
及諸弟子往詣佛所已而白佛言大  
德沙門我今願將諸弟子入沙門法中乃至  
是事當如是持

尔時世尊告彼螺髻諸梵志言汝若然者當  
自取汝鹿皮之衣及祭火器擲棄一邊而其

彼等諸梵志言如沙門教我等不違即至居處將祭火具擲著一邊

尔時梵志擲棄祭火器皿已後還至佛所到佛所已頂礼佛足而白佛言善哉世尊與我出家及具足戒佛告彼等作如是言汝等比丘來入於我自說法中修於梵行盡諸苦故而其彼等二百五十諸長老輩應聲出家即成具戒

尔時世尊即為彼等諸長老輩增更說法如前還以三種神通示教利喜是時彼等於無為法悉盡諸漏心得解脫尔時世尊最初集聚諸比丘眾所謂此等一千二百五十人俱



並悉從於梵志出家皆阿羅漢悉得自利隨  
侍世尊證會說法

復次其後諸比丘等即白佛言善哉世尊彼  
等螺髻梵志師徒往昔之時種何善根今日  
並得出家受具皆證羅漢昔作何業今得是  
報又彼長老優婁頻螺迦葉一人共其五百  
螺髻梵志而得爲首最勝最妙最上最尊那  
提迦葉三百弟子爲首爲最爲勝爲妙伽耶  
迦葉二百弟子爲首爲勝爲妙爲尊又復長  
老優婁頻螺迦葉往昔造於何業今日世尊  
種種教示如是難化自餘一切諸梵志等易  
受於化作是語已嘿然而住

尔時佛告諸比丘言汝諸比丘至心諦聽我  
念往昔還在於此閻浮提內具足而有  
一千商人彼商人中有三兄弟各爲商主其一還  
名優婁頻螺迦葉主領五百商人第二還名  
那提迦葉亦復主領三百商人第三還名伽  
耶迦葉亦然還領二百商人

尔時彼等三大商主及諸商人相共欲往海  
內治生堪入海貨莊嚴已訖其物價數足直  
三百千万金錢一百千万擬自食糧一百千  
万擬餘商人以爲本領一百千万擬雜用度  
聊理舩舶彼等如是莊嚴竟已漸漸而行至  
彼海岸至海岸已供養祭祀大海之神辦具

船舫其外倍價更雇五人所謂善解調治船  
 者觀四方者泝水入者善浮水者張施帆者  
 既如是得彼五人已其三商主大聲唱言誰  
 能入海三稱如是三聲大唱告已即坐船上相  
 共入海為求財故彼等既至大海之中忽遇  
 黑風彼風吹船擲海渾上僉然而住

佛本行集經卷第四十二

基

嘒許救反 齋音甫 酷音甫 淖音早 濇音早 噤其禁

火鑪下音盧 坩音上 坩音上 沒音下 溺音下 皿音明 啖音下

子一 泓音上 齧音上 咄音下 括音二 骨音丁 虵音下 蛻音下

稅又他 唱音上 响音上 崖音吾 捫音門 臯音觸 甥音生 咽音下

於反 結反 又反 啣音一 聊音正 理音上 作音料 舩音下 舩音下

上

舩舫

下

音雇

故

沂水

上音

埏

正作

沙

音

伍

僉然

上

反



